

松節一兩細剉如米粒乳香一錢右件藥用銀石器內慢火炒令焦只留三分性出火毒研細每服一錢至二錢熱木瓜酒調下應時筋病皆治之

古今錄驗方治霍亂轉筋

取蓼一手把去兩頭以水二升半煮取一升半頓服之

治傷寒時氣溫病方第十三

治傷寒及時氣溫病及頭痛壯熱脈大始得一日方

取旨兌根葉合搗三升許和之真丹一兩水一升合煮絞取汁頓服之得吐便差若重一升盡服厚覆取汗差

又方小蒜一升搗取汁二合頓服之不過再作便差

道藏輯要

肘後備急方

三

虛集十
川名文

又方烏梅二七枚鹽五合以水三升煮取一升去滓頓服之

又方取生杼木削去黑皮細切裏白一升以水二升五合煎去滓一服八合三服差

又方取朮丸子二七枚以水五升按之令熟去滓盡服汁當吐下愈

下愈

又方雞子一枚著冷水半升攪與和乃復煮三升水極令沸以向所和水投湯中急攪令相得適寒溫頓服取汗

又方以真丹塗身令遍面向火坐令汗出差

又方取生蕢荷根葉合搗絞取汁服三四升

又方取乾艾三斤以水一斗煮取一升去滓頓服取汗

又方鹽一升食之以湯送之腹中當絞吐便覆取汗便差

又方取比輪錢一百五十七枚以水一斗煮取七升服汁盡之須臾復以五升水更煮令得一升以水二升投中合令得三升出錢飲汁當吐毒出也

又方取猪膏如彈丸者温服之日三服三日九服

又方烏梅三十枚去核以豉一升苦酒三升煮取一升半去汁頓服

又傷寒有數種人不能別令一藥盡治之者若初覺頭痛內熱脈洪起一二日便作葱豉湯用葱白一虎口豉一升以水三升煮取一升頓服取汗不汗復更作加葛根二兩升麻三兩

道藏輯要

肘後備急方

三

虛集十

五升水煎取二升分再服必得汗若不汗更加麻黃二兩又用葱湯研米二合水一升煮之少時下鹽豉後內葱白四物令火煎取三升分服取汗也

又方豉一升小男溺三升煎取一升分爲再服取汗

又方葛根四兩水一斗煎取三升乃內豉一升煎取升半一服搗生葛汁服一二升亦爲佳也

若汗出不歇已三四日胸中惡欲令吐者

豉三升水七升煮取二升半去滓內蜜一兩又煮三沸頓服安臥當得吐不差更服取差祕法傳於子孫也

又方生地黃三斤細切水一斗煮取三升分三服亦可服藜蘆

吐散及苦參龍膽散

若已五六日以上者

可多作青竹瀝少煎令減爲數數飲之厚覆取汗

又方大黃黃連黃檗梔子各半兩水八升煮六七沸內豉一升葱白七莖煮取三升分服宜老少

又方苦參二兩黃芩二兩生地黃半斤水八升煮取一升分再服或吐下毒則愈

若已六七日熱極心下煩悶狂言見鬼欲起走

用乾茱萸三升水二升煮取一升後去滓寒溫服之得汗便愈此方恐不失必可用也祕之

道藏輯要

肘後備急方

毒

虛集十

又方大蚬一升破去以人溺煮令熟去滓服之直生絞汁及水煎之並善又絞糞汁飲數合至一二升謂之黃龍湯陳久者佳

又方取白犬從背破取血破之多多爲佳當及熱以薄胸上冷乃去之此治垂死者活無白犬諸純色者亦可用之

又方取桐皮削去上黑者細擘之長斷令四寸一束以酒五合以水一升煮取一升去滓頓服之當吐下青黃汁數升卽差又方雞子三枚芒消方寸七酒三合合攪散消盡服之

又方黃連三兩黃檗黃芩各二兩梔子十四枚水六升煎取二升分再服治煩嘔不得眠

治時氣行垂死破棺千金煮湯苦參一兩咬咀以酒二升半舊方用苦參酒煮令得一升半去滓適寒溫盡服之當間苦寒吐毒如溶膠便愈

又方大錢百文水一斗煮取八升內麝香當門子李子大末稍稍與飲至盡或汗或吐之

治溫毒發斑大疫難救黑膏生地黃半斤切碎好豉一升猪脂二斤合煎五六沸令至三分減一絞去滓末雄黃麝香如大豆者內中攪和盡服之毒從皮中出即愈

又方用生蝦蟇正爾破腹去腸乃搗吞食之得五月五日乾者燒末亦佳矣

道藏輯要

肘後備急方

三

虛集十
州上文

黑奴丸胡洽小品同一名水解丸又一方加小麥黑殼一兩名為麥奴丸支同此注

麻黃二兩大黃二兩黃芩一兩芒消一兩釜底墨一兩竈突墨二兩梁上塵二兩搗蜜丸如彈丸新汲水五合末一丸頓服之若渴但與水須與寒寒了汗出便解日移五赤不覺更服一丸此治五六日胸中大熱口噤名為壞病不可醫治用此黑奴丸

又方大青四兩甘草膠各二兩豉八合以水一斗煮二物取三升半去滓內豉煮三沸去滓乃內膠分作四服盡又合此治得至七八日發汗不解及吐下大熱甚佳

又方大黃三兩甘草二兩麻黃二兩杏仁三十枚芒硝五合黃芩一兩巴豆二十粒熬搗蜜丸和如大豆服三丸當利毒利不止米飲止之家人視病者亦可先服取利則不相染易也此丸亦可預合置

麻黃解肌一二日便服之

麻黃甘草升麻芍藥石膏各一兩杏仁三十枚貝齒三枚末之以水三升煮取一升頓服覆取汗出卽愈便食豉粥補虛卽宜也

又方麻黃二兩芩桂各一兩生薑三兩以水六升煮取二升分爲四服

道藏輯要

肘後備急方

三美 虛集十

亦可服葛根解肌湯葛根四兩芍藥二兩麻黃大青甘草黃芩石膏桂各一兩大棗四枚以水五升煮取二升半去滓分爲三服微取汗

三日已上至七八日不解者可服小柴胡湯柴胡八兩人參甘草黃芩各三兩生薑八兩無者乾薑三兩半夏五兩湯洗之大棗十二枚水九升煮取二升半分爲三服微覆取汗半日須臾便差若不好更作一劑

若有熱實得汗不解腹滿痛煩躁欲謬語者可服大柴胡湯方柴胡半斤大黃二兩黃芩三兩芍藥二兩枳實十枚半夏五兩洗之生薑五兩大棗十二枚水一斗煮取四升當分爲四

服當微利也

此四方最第一急須者若幸可得藥便可不營之保無死憂諸小治爲防以窮極耳若病失治及治不差十日已上皆名壞病唯應服大小髓甲湯此方藥分兩乃少而種數多非備急家所辦故不載凡傷寒發汗皆不可使流離過多一服得微汗汗絮便止未止粉之勿當風初得傷寒便身重腰背痛煩悶不已脈浮面赤斑斑如錦文喉咽痛或下痢或狂言欲走此名中陽毒五日可治過此死宜用此方

雄黃甘草升麻當歸椒桂各一分水五升煮取二升半分三服溫覆取汗服後不汗更作一劑

道藏輯要

冊後備急方

三

虛集十
X川X

若身重背強螻蟻如被打腹中痛心下強短氣嘔逆唇青面黑四肢冷脈沈細而緊數此名中陰毒五日可治過此死用此方
甘草升麻各二分當歸椒各一分鱉甲一兩以水五升煮取二升半分三服溫覆取汗汗不出湯煮更作也

陰毒傷口鼻冷者乾薑桂各一分末溫酒三合服之當大熱差凡陰陽二毒不但初得便爾或一二日變作者皆以今藥治之得此病多死治熱病不解而下痢困篤欲死者服此

大青湯方大青四兩甘草三兩膠二兩豉八合赤石脂三兩以水一斗煮取三升分三服盡更作日夜兩劑愈

又方但以水五升豉一升梔子十四枚韭白一把煮取三升半

分爲三服

又方龍骨半斤搗碎以水一斗煮取五升使極冷稍稍飲其間
或得汗卽愈矣

又方黃連當歸各二兩乾薑一兩赤石脂二兩蜜丸如梧子服
二十九日三夜再

又方黃連二兩熟艾如鴨卵大以水二斗煮取一升頓服立止
天行諸痢悉主之黃連三兩黃檗當歸龍骨各二兩以水六升
煮取二升去滓入蜜七合又火煎取一升半分爲三服效
天行毒病挾熱腹痛下痢升麻甘草黃連當歸芍藥桂心黃檗
各半兩以水三升煮取一升服之當良

道藏輯要

冊後備急方

三

虛集十
川

天行四五日大下熱痢黃連黃檗各三兩龍骨三兩艾如雞子
大以水六升煮取二升分爲二服忌食豬肉冷水

若下膿血不止者赤石脂一斤乾薑一兩粳米一升水七升煮
米熟去滓服七合日二

又方赤石脂一斤乾薑二兩水五升煮取三升分二服若絞臍
痛加當歸一兩芍藥二兩加水一升也

若大便堅閉令利者大黃四兩厚朴二兩枳實四枚以水四升
煮取一升二合分再服得通者止之

若十餘日不大便者服承氣丸大黃杏仁各二兩枳實一兩芒
消一合搗蜜和丸如彈丸和湯六七合服之未通更服

若下痢不能食者黃連一升烏梅二十枚炙燥並得搗末蠟如
棊子大蜜一升合於微火上令可丸丸如梧子大一服二丸
日三

若小腹滿不得小便方細末雌黃蜜和丸取如棗核大內溺孔
中令半寸亦以竹管注陰令痛朔之通

又方末滑石三兩葶藶子一合水二升煮取七合服

又方搗生葱薄小腹上參易之

治胸脇痞滿心塞氣急喘急方人參朮各一兩枳實二兩乾薑
一兩搗蜜和丸一服一枚若嗽加括蕁二兩吐加牡蠣二兩
日夜服五六丸不愈更服

道藏輯要

肘後備急方

三

虛集十
川上

毒病攻喉咽腫痛方切商陸炙令熱以布藉喉以熨布上冷復
易

又方取真箇茄瓜甲大內口中以牙小嚼汁以漬喉當微覺異
爲佳也

毒病後攻目方煮蜂窠以洗之日六七度佳

又方冷水漬青布以掩之

若生翳者燒鼓二七粒末內管鼻中以吹之

治傷寒嘔不止方甘草一兩升麻半兩生薑三兩橘皮二兩水
三升煮取二升頓服之愈

又方乾薑六分附子四分末以苦酒丸如梧子大一服三丸日

三服

治傷寒嘔不止方甘草三兩橘皮一升水五升煮取三升分服
日三服差

又方熟洗半夏末服之一錢一服

又方赤蘇一把水三升煮取二升稍稍飲

又方乾薑六分附子四分末苦酒丸如梧子大服三丸日三服
比歲有病時行仍發瘡頭面及身須臾周匝狀如火瘡皆戴白
漿隨決隨生不卽治劇者多死治得差後瘡癩紫黑彌歲方滅
此惡毒之氣世人云永徽四年此瘡從西東流遍於海中煮葵
菜以蒜齏啖之卽止初患急食之少飯下菜亦得以建武中於
道藏輯要

肘後備急方

罕

虛集十

南陽擊虜所得仍呼爲虜瘡諸醫參詳作治用之有效方

取好蜜通身上摩亦可以蜜煎升麻并數數食

又方以水濃煮升麻綿沾洗之苦酒漬彌好但痛難忍

其餘治猶依傷寒法但每多作毒意防之用地黃黑膏亦好

治時行病發黃方茵陳六兩大黃二兩梔子十二枚以水一斗
先煮茵陳取五升去滓內二物又煮取三升分四服亦可兼
取黃疸中雜治法差

比歲又有虜黃病初唯覺四體沈沈不快須臾見眼中黃漸至
面黃及舉身皆黃急令兩白紙紙卽如藥染者此熱毒已入內
急治之若初覺便作苳帶赤豆散吹鼻中鼻中黃汁出數升者

多差若已深應看其舌下兩邊有白脈彌彌處蘆刀割破之紫
血出數升亦歇然此須慣解剖者不解割忽傷亂舌下青脈血
出不止便煞人方可燒紡輪鐵以灼此脈令焦兼瓜蒂焦巴豆
搗爲丸服之大小便亦去黃汁破灼已後禁諸雜食又云有依
黃坐黃復須分別之方

切竹煮飲之如飲

又方搗土瓜根絞取汁飲一升至二三升

又方醋酒浸雞子一宿吞其白數枚

又方竹葉切五升小麥七升石膏三兩末綿裹之以水一斗五
升煮取七升一服一升盡喫卽差也

道藏輯要

肘後備急方

單

虛集十

又方生葛根汁二升好豉一升梔子三七枚茵陳切一升水五
升煮取三升去滓內葛汁分爲五服

又方金色腳雞雌雞血在治如食法熟食并飲汁令盡不過再
作亦可下少鹽豉佳

治毒攻手足腫疼痛欲斷方用虎杖根剉煮適寒溫以漬足令
踝上有赤許水止之

又方以稻穰灰汁漬足

又方酒煮苦參以漬足差

又方鹽豉及羊屎一升搗令熟以漬之

又方細剉黃蘗五升以水三斗漬之亦治攻陰腫痛

又方作坎令深三尺少容兩足燒坎令熱以酒灌坎中着履踞坎中壅勿令泄

又方煮羊屎汁漬之雜少鹽豉尤好

又方煮馬矢若羊矢汁漬

又方猪膏和羊矢塗之亦佳

又方以牛肉裹腫處腫消痛止

又方搗常思草絞取汁以漬足

又方猪蹄一具合葱煮去滓內少鹽以漬之毒病下部生瘡者燒鹽以深導之不過三

又方生漆塗之綿導之

道藏輯要

肘後備急方

三

虛集十

又方大丸艾灸下部此謂窮無藥

又方取蚓三升以水五升得二升半盡服之

又方煮桃皮煎如糝以綿合導之

又方水中荇菜搗綿裹導之日五易差

又方檉皮槲皮合煮汁如粘糖以導之又濃煮桃皮飲之最良

又方搗蛇莓汁服三合日三水漬烏梅令濃并內崖蜜數數飲

若病人齒無色舌上白或喜睡眠憤憤不知痛痒處或下痢急

治下部不曉此者但攻其上不以下爲意下部生蟲蟲食其

肛肛爛見五臟便死治之方

取雞子白內漆合攪還內殼中仰頭吞之當吐蟲則愈

又方燒馬蹄作灰細末猪脂和塗綿以導下部日數度差

又方桃仁十五枚苦酒二升鹽一合煮取六合服之

又方燒艾於管中薰之令煙入下部中少雄黃雜妙此方是溪
溫故爾兼取彼治法

又有病鑿下不止者烏頭二兩女萎雲實各一兩桂二分蜜丸

如桐子水服五丸一日三服

治下部卒痛如烏啄之方赤小豆大豆各一升合搗兩囊貯蒸
之令熟更少坐即愈

此本在雜治中亦是傷寒毒氣所攻故凡治傷寒方甚多其有
諸麻黃葛根桂枝柴胡青龍白虎四順四逆二十餘方並是至

道藏輯要

肘後備急方

聖

虛集十

要者而藥難盡備且診候須明悉別所在撰大方中今唯載前
四方尤其是急須者耳其黃膏赤散在辟病條中預合初覺患便
服之傷寒時行溫疫三名同一種耳而源本小異其冬月傷於
寒或疾行力作汗出得風冷至夏發名爲傷寒其冬月不甚寒
多暖氣及西風使人骨節緩墮受病至春發名爲時行其年歲
中有癘氣兼挾鬼毒相注名爲溫病如此診候略相似又貴勝
雅言惣名傷寒世俗因號爲時行道術符刻言五溫亦復殊大
歸終止是共途也然自有陽明少陰陰毒陽毒爲異耳少陰病
例不發熱而腹滿下痢最難治也

附方

必效方治天行一二日者麻黃一大兩去節以水四升煮去沫
取二升去滓著米一匙及豉爲稀粥取粥一升先作熟湯浴
淋頭百餘椀然後服粥厚覆取汗於夜最佳

梅師方治傷寒汗出不解已三四日胸中悶吐豉一升鹽一合
水四升煎取一升半分服當吐

聖惠方治傷寒四日已嘔吐更宜吐以苦參末酒下二錢得吐
差

又方治時氣熱毒心神煩燥用藍澱半大匙以新汲水一盞服
又方治時氣頭痛不止用朴硝三兩搗羅爲散生油調塗頂上
又方治時氣煩渴用生藕汁一中盞入生蜜一合令勻分二服

道藏輯要

肘後備急方

醫

虛集十

勝金方治時疾熱病狂言心燥苦參不限多少炒黃色爲末每
服二錢水一盞煎至八分溫服連煎三服有汗無汗皆差

博濟方治陰陽二毒傷寒黑龍丹船上硫黃一兩以柳木槌研
三兩合巴豆一兩和殼記箇數用二升鐺子一口先安硫黃
鋪鐺底次安巴豆又以硫黃蓋之醃醋半升已來澆之蓋子
蓋合令緊密更以濕紙周回固濟縫勿令透氣縫紙乾更以
醋濕之文武火熬常著人守之候裏面巴豆作聲數已半爲
度急將鐺子離火便入臼中急搗令細再以少米醋并蒸餅
少許再搗令冷可丸如雞頭大若是陰毒用椒四十九粒葱
白二莖水一盞煎至六分服一丸陽毒用豆豉四十九粒葱

白二莖水一盞同煎吞一丸不得嚼破

孫用和方治陽毒入胃下血煩疼痛不可忍鬱金五箇大者牛黃一皂莢子別細研一味同爲散每服用醋漿水一盞同煎三沸溫服

孫兆口訣治陰毒傷寒手足逆冷脈息沈細頭疼腰重兼治陰毒欬逆等疾方

川烏頭乾薑等分爲麤散炒令轉色放冷再搗爲細散每一錢水一盞鹽一撮煎取半盞溫服

又方治陰勝隔陽傷寒其人必燥熱而不欲飲水者是也宜服霹靂散

道藏輯要

肘後備急方

畧

虛集十

附子一枚燒爲灰存性爲末蜜水調下爲一服而愈此逼散寒氣然後熱氣上行而汗出乃愈

聖惠方治陰毒傷寒四肢逆冷

宜熨以吳茱萸一升酒和勻濕絹袋二隻貯蒸令極熱熨腳心候氣通暢勻暖卽停熨果驗

唐崔元亮療時疾發黃心狂煩熱悶不認人方

取大括樓一枚黃者以新汲水九合浸一切熱毒暑月和甘草煎色如琥珀可愛堪著嘗之甘美瓶置井中令冷徹如水白瓷器及銀器中貯似茶啜之時人呼爲冷飲子又且尊於若能破女子經候不通搗以酒浸常服有孕之人斷勿服破

血

治時氣病起諸復勞方第十四

凡得毒病愈後百日之內禁食猪犬羊肉并傷血及肥魚久膩乾魚則必大下痢下則不可復救又禁食麥食胡蒜韭薤生菜蝦鮑輩食此多致復發則難治又令到他年數發也

治篤病新起早勞及食飲多致欲死方

燒驚甲服方寸匕

又方以水服胡粉少許

又方粉三升以煖水和服之厚覆取汗

又方乾蘇一把水五升煮取二升盡服之無乾者生亦可用加

道藏輯要

肘後備急方

吳

虛集十

生薑四兩豉一升

又方鼠矢兩頭尖者二七枚豉五合以水三升煎半頓服之可即溫覆取汗愈有麻子人肉一升加水一升彌良亦可肉枳

實葱白一虎口也

又方取伏雞子殼碎之熬令黃黑細末熱湯服一合溫覆取汗

又方大黃麻黃各二兩梔子人十四枚豉一升水五升煮取三升分再服當小汗及下痢

又方濃煮甘皮服之蘆根亦佳

食多而發復方燒飯篩末服方寸匕良

治交接勞復陰卵腫或縮入腹腹中絞痛或便絕方